

ЯНВАРТЬ

29-це шистонза 1941 кизоня

12 (1808)

ПИТНЕЦ 5 тр.



Комсомолонь ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЬ ГОРКОМЪ ГАЗЕТАСНА

ЛИСЕНДИ

9-це КИЗОСЬ

Адресь: г. Саранск,
Советская ул., Дом печати.

Четкайста и организованнайста йотафтомс лыжной комсомольскый кроссть

Тя кизонь февраль 2-це шистонза ушеды лыжной комсомольскый кроссть ётафтомац. Комсомольскый организацие сувайхть эсь деятельностьсостинь ответственный и напряженный периодти.

Мордовский комсомольскый организацие, кода и сембе Ленинско-Сталинский комсомолсь, кроссти анокламать пингста сатьс оцю успехт од ломаттнень военно-физкультурнай воспитанисост, будущей бойхенди закаленной боецонь—воинонь анокламаса. Республикаса пуроптф январь 25-це шиниты самс лыжникионь 2440 команда, 1073 команда пешай соревнованиятнень эса участиянди. Нят командатнень эса лувондови 17565 комсомолец.

Лама комсомолец и комсомолка оцю энергияса ётазь и ётнихть тренировочнай минимумонь норматнень. 2326 комсомолец максозь ГТО-нь значокс лыжас и пешай переходе коря норматнень, 1304 ломань максозь БГТО-нь значокс лыжас и пешай переходе коря норматнень. Нилешка тежянь комсомолец пашкодезь кроссть колга положениея установленнай лыжной и пешай перехотнень коряс тренировочнай минимумт. Аньцея Саранск ошса пуроптф 400-да лама команда, конатнень эса лувондови кафта тежяньшка комсомолец. Ошса 400 комсомолец максозь лыжас и пешай переходе коря ГТО-нь и БГТО-нь значокенди норматнень, тежянь комсомолецта лама аделаь тренировочнай минимумт.

Тяфта жа анокт кросса участвовандамати З.-Полянскый, Ичалковский и Ковылкинский райононь комсомолецне. Zubovo-Полянскый средный школань кемонце классонь ученикты Умнов комсомолецт командац кунаракиге ни пашкодезе тренировочнай минимумт и тиниге оцю активностяса молфцазь тренировкисон сянь лиска, штоба кросса занияс почетнай васть. Командат сембе составоц максозе лыжас коря 2-це ступень ГТО-нь значокти норматнень. Тяка жа школаса сембе ширде аноклафта васьфтьсаяз кроссть Пекин, Мухин, Пянова комсомолецнень командасна.

Но и тяфта жа эриви азомс, што ВЛКСМ-нь кой-кона райкомтне сатомшка работа ашеть ётафта тя важнейшай мероприятияти анокламаса. Тяфта, ВЛКСМ-нь Кочкуровский райкомсь (сонь ингольден секретарец Тюгаев ялгас) ашезе мобилизованда районнай комсомольскый организацият кроссти анокламаса. Тянь сюнеда района январь 20-це шиниты самс пуроптф аныек 40 команда и аныек 35 комсомолец максозь лыжас коря ГТО-нь значокс норматнень. Сонць комсомольскый активсь кроссти анокламань тевса мезевок аф тиенди. ВЛКСМ-нь райкомт пленумонь членоц Зинин ялгась, рабо-

тамок Сабаевский средный школаса военрукос, кодамовок работа кроссти анокламаса аф ётафни. Нинге сядонга калдяв ся, што Зинин ялгась нльне ашезь лувонда комсомольскый кроссть ётафтомац колга положениея. Тя школаса пуроптф 1 команда, коса лувондовихть 8 комсомолецт, эста кда положениея азф, што командатнень эса должен улеме ветень ломань. Тя школаса 50 комсомолец, конатнень ётка паяк калдявста ладяф оборонно-физкультурнай работась.

Йофси тяфтама жа положениея Сире Шайговань, Пурдошанский и Теньгушевский райоттнень эса. ВЛКСМ-нь райкомтне тячимс ашезь шарьхкоде военно-физкультурнай работать политический важностень значенияц.

ВЛКСМ-нь райкомтнени и горкомтнени и синь военно-физкультурнай коммисиясонды эриви использовандам илидыкс пингть естан, штоба шумихафтома и суетняфтома, а по-деловому, большевикос кярмодемс тевти, обеспечиндамс, штоба эрь комсомолецс прималь участия кросса. Тяниень пингть эриви, штоба сембе мелочть, кросса ётафтома сембе детальхне, дистанциятне, эрь комсомольскый организацият выступленинь графикоц, судейский аппаратс должетт улеме аноклафт инголькиге.

Кой-кона руководящай комсомольскый работникне, а тяфта и кой-кона ВЛКСМ-нь райкомонь секретарьхне янайста ашезь шарьхкод, кодама дистанция установить пешай переходса участикиенди. Тянди ответсь тяфтама: васендакиге, ВЛКСМ-нь секретарьхне обязатт примамс сембе мератнень, штоба обеспечить лыжаса сембе комсомолецнень, эриви разрешить комсомолецнени, конатнень аш лыжасна, примамс участия кросса пешай переходса. И дистанциясь алян пешай командатнени 25 километра, конань должетт ётамс 5 частонь пингста. Кросста инголе должетт ётамс 8 километра дистанция фки частонь пингста брасок мархта. Авань пешай командатне кросса кармайхть тиема переходт 15 километра дистанция 3 частонь и 30 минутань пингста, а юношань и од стирнянь пешай командатне ётайхть 10 километрат дистанция 2 частонь и 20 минутань пингста.

Комсомольскый руководителхнень задачасна ащи сян эса, штоба ётафтомс кроссть массовайста, штоба сонь эсонза прималь участия эрь комсомолецс. Кроссть отличнайста ётафтомац—эрь комсомольскый организацият и комсомолецт первостепеннай важностень задацац. Тя ули достойнай подаркакс партиять 18-це конференцияцты.


МИНЬ ПОДАРКАНЬКЕ

Атюрьевань средный школань ученикне, сувамок XVIII-це партконференциять лемса социалистический соревнованияти, саявь эсь лагзост обязательстват.

10-це классонь учениксь Попов Александр и 9-це классонь учениксь Тишин Емельяныч отличнай оценка аделазь тонафнемань 1-це полугодиять. Тяни синь саявь обязательстват отличнай оценка васьфтемс XVIII-це партконференциять панжема шиниц и тердезь соцсоревнованияс средный школань сембе ученикнень.

К. Черакшев.

Атюрьевский район.



Саранск ошень теплоэлектроцентраль механический мастерскойнь рабочайхне сембе, кода фкл, включились ВКП(б)-нь XVIII-це Всесоюзная конференциять лемса социалистический соревнованияти.

СНИМБАСА: Мастерскойнь слесарь-стахановец Иван Алексеевич Курганов ялгась, кода XVIII-це Всесоюзная партконференциять четьсь саявф обязательстванц пашкоткхнеси четь мархта. Январь 20-це шиниты Курганов ялгась ковань производственной программанц пашкодезе 135 проценте.

Фотось Банифатьевть.

ФЕВРАЛЬ 2-це ШИСТОНЗА УШЕДЫ КОМСОМОЛЬСКАЯ КРОССЬ

АНОКЛАЙХТЬ КРОССИ

Од ломаттне деятельна аноклайхть лыжной комсомольскый кроссти. Каньгуш велень средный школаста комсомолецне и аф союзнай од ломаттне январь 22-це шистонза тисть лыжной поход 15 километра расстояниас. 35 школьник Черепкин комсомолецт руководстванц ала примась участия походса. Ламосна синь эздот максозь тя походть пингста ГТО значокти норматнень.

Е. Кидямкин.

Ельниковский район.

Январь 22-це шистонза лыжной походса, конань ётафнезе Сире Сомай велень школась, примась участия 30-да лама ученик. Васень тренировочнай походсост синь 15 километра дистанциять ётазь 2 частста и 45 минутаста, а башка ялгетне нльне, кафта частста кржаста.

В. Липатов.

Рыбинский район.

КРОССИ АНОКТ

Кроссти анокламаса аф калдяв показателхть няфнихть Рыбинский район-здравотделонь комсомолецне. Тя организациас эрь комсомолецс ётась лыжаса 100 километра лама, аф калдявста тонадозь лыжаса курьксемань техникац.

Нят шитнень эзда улесь ётафть смотр, коса лама комсомолецне няфнесть

отличный результат. Юрина комсомолкась колма километра дистанциять ётазе лыжаса 20 минутаста, Учкова—21 минутаста. Тяфта командань сембе комсомолецне максозь ГТО-нь значокти лыжас коря норматнень.

С. Метляков.

Рыбинский район.

Мордовский АССР-нь Верховный Советъ Президиумонц Указоц

Саранский городской 422 № избирательной округъ эзга
Национальностень Совету кочкаматнень коряс Окружной
избирательной комиссиять утвержденинц колга

«Башка избирательной округнень эзга СССР-нь Верховный Совету депутатонь кочкаматнень пингста избирательной кампаниянь срокъ колга» 1940 кизонь ноябрь 11-це шистонза СССР-нь Верховный Советъ Президиумонц Указонц коряс и «СССР-нь Верховный Совету кочкаматнень колга Положений 45-це, 46-це и 47-це статьинон коряс утвердить Саранский городской 422-це № избирательной округъ эзга Национальностень Совету кочкаматнень коряс Окружной избирательной комиссиять общественной организациятнень и трудящайнъ общественнень представительснотъ тяфтама составса:

Кольчугин Иван Дмитриевич—Мордовский АССР-нь Наркомфинтъ видеса коммунистический организациять эзда (комиссиянь председателъ).

Жуков Григорий Михайлович—Саранский Пеннокомбинатонъ рабочайхнень и служащайхнень эзда (председателъ заместителъ).

Артамонов Николай Андреевич—Госбанкнъ Мордовский конторатъ видеса коммунистический организациять эзда (комиссиянь секретарь).

Комиссиянь члетьне:

Садкова Мария Ивановна—Саранский махорочный фабриканъ рабочайхнень и служащайхнень эзда.

Ушаков Федор Максимович—Мельцанский районнъ коммунистический организациять эзда.

Юрлова Елизавета Васильевна—Мельцан велень начальнай и средний школанъ профсоюзонъ члетьнень эзда.

Самойлов Иван Петрович—Лямбирский МТС-нь рабочайхнень и служащайхнень эзда.

Волкова Антонина Алексеевна—трудящайнъ депутатонъ Лямбирский районнай Советонъ исполкомтъ видеса коммунистический организациять эзда.

Абушаев Менгаждин Абдулович—Лямбирский районнъ финбанковский работниковъ профсоюзонъ члетьнень эзда.

Уткин Сергей Владимирович—Старо-Шайговский районнъ «Память Кирова» селхозартелень колхозникнень эзда.

Ямашкина Людмила Васильевна—Старо-Шайговский МТС-нь рабочайхнень и служащайхнень эзда.

Мордовский АССР-нь Верховный Советъ Президиумонц председателъ
М. ЧЕМБУЛАТОВ.

Мордовский АССР-нь Верховный Советъ Президиумонц и. о. секретарь
А. ТОЛСТЫХ.

Саранск ош, МАССР. 1941 кизонь январь 25-це шистонза.

9-це № ИЗБИРАТЕЛЬНАЯ УЧАСТКАСА

Нльне инъ шобда ветъ хлебокомбинатъ аф пик оцю зданиястонза ичкозде можна лувомс отчетливый, лаконичный надпись:

«9-це избирательная участкаса». Избирательная комиссиять председателъ Сарычев ялгасъ добувасъ светофор, заботендасъ красивой яркой вывескаты колга.

— Тя аф мелоч, ялгат. Ломаттне должетт содамс эсь избирательная участкаснон, сон должен выделяться, улемс заметнайкс,—корхтай Иван Яковлевич комиссиянь члетьнени, конат лувондозъ сонъ затейнц лишнаенди. Комбинатъ краснай уголкоц шарффт агитационно-массовой работаты вятемаса централкс. Тяс эрьсикъ лекция, беседат и докладт. Участкаты помещенияс чистота и уют. Стенатнень эса петфнефт плакатт, лозункт, конат посвященнайхть избирательная кампанияти. Якстерь полотнища ланге сермафт статьят Сталинский Конституцияста. Сембонъ эзда няеви избиратель колга заботасъ. Избирательная кампаниять васень шинзон пинкстакиге избирательная участкаса моли оживленнай работа.

Январь 30-це шистонза избирательхнени ули лувфт лекция буржуазнай и социалистический демократиять колга. Выборда инголе избирательхнени улихть лувфт 8 лекция разнай темас

коря. Синь ёткост: «Империалистический войнасъ и капиталистический странанъ трудящайхнень положениясна», «Сталинский Конституциясь и советень свободасъ», «Коммунистический моральть колга», «Трудти коммунистический отношенияс колга» и стак тов.

Агитационно-массовой работасы избирательхнень мархта мольтеви аф анычек участкаса, но и квартиранга. 13 агитатор недяляти колмокетъ ётафнихть избирательхнень квартиранга громкай читкат. Эряви азомс, тяфтажа аф сатыкты колга, конанц эряви инъ маластонъ пингтъ машфтомс. Хлебокомбинатовъ 20 комсомолецъ эзда анычек фкя комсомолец работай агитаторкс. Корхтаматне сянь колга, што ломаттне работайхть омбоце сменасти,—аф оправдания. Беседат избирательхнень мархта можна ётафнемс любовай пингста. Штоба кулхондоме агитаторъ полезнай беседанц, ломаттне муйхть свободнай пинге.

Хлебокомбинатонъ комсомольский организацияти ответственный задакас ащи ся, штоба как можна сяда пик вишконтеме избирательхнень ёткса массово-разъяснительнай работаты. Надиятама, што комсомольский организациясь курокопъ пингста машфты эсь работастонза тя оцю афсатыксты.

Саранск ош.

Ильин.

МЗЯРДА УЛИХТЬ АНОКТ?

Наркомземонъ комсомольский организациясь калдываста аноклъ Якстерь Армиять 23-це годовщиначи лемса лыжной комсомольский кроссти участвовандама. Тяс должен 33 комсомолецнени улемс тренировочнай минимумонъ ётама, но ётазь сонъ анычек вете комсомолецт, а плады комсомолецте

тренировандама тачимс ашестъ ушеда. Сонъ ВЛКСМ-нь комитетъ секретарь Пискунов ялгасъ ульс анычек тренировочнай фкя занятияса. И тя комсомольский организациясь фкявок комсомолец ашесень максъ лыжас коря ГТО-нь значокс норматнень.

Ф. Атянин.

Комсомолецне активнай культармеецт

Сяда меле, кодак лувозъ газетаста ВЛКСМ-нь ЦК-ть сообщенинц Мордовиянь комсомольский организациять неграмотность и малограмотность машфтомаса участиянц колга. Сире-Дерган велень комсомолецне активнай кярмодсть тя важнейшай тевти. Эрь комсомолецни кемокстаф 7—8 неграмотнай или малограмотнай ломанъ, конатнень мархта синь аккуратна ётафнихть занятият.

Вов, например, комсомолецне Очкин

Кузьма, Шитков Егор и Игошев Василий эсь неграмотнайснон и малограмотнайснон мархта эрь недяляни ётафнихть 4—5 занятият.

Така жа сообщенида меле ламода цебяргодс тонафнемасъ и комсомолецнень эсь ёткостка. Синь эсь политграмотанъ кружоксост тонафнихть и общеобразовательнай дисциплинатка.

Столяров.

Рыбинский район.

КУЛЬТМАССОВОЙ РАБОТАТИ—САТОМШКА МЯЛЬ

ВКП(б)-нь XVIII-це съездс путсь минъ инголенк важнейшай задача—ломаттнень коммунизманъ духса воспитанияснон коряс. Тя задачатъ пашкодемаса оцю роль кирдихть велеса политпросветучреждениятне. Оправдандакшнесы ли тя рольть Пятакш велень изба-читальнясь? К сожалению, аф. Культурно-массовой работа ты велеса аф ётафневи, добровольнай организацият, кода СВВ, МОПР и стак тов, апак пуроптт. Колхозса нинге мелякиге организовадаф Осоавиахи-

монъ организация, но тосонга аф ётафневи кодамовок работа.

Инициативасъ тяфтама организациянь пуроптомаса велеса эряволь савомс комсомольский организацияти и изба-чит Родкин ялгати, но синь мес-бдитянимс тьянь колга кашт аф молихть. А вдь, ладамс велеса культмассовой работаты—тя синь основной и главнай задачасна.

Петров.

Краснослободский район.

РАБОТАНЪ ЦЕБЯРЪ ПОКАЗАТЕЛЬХТЬ

Сире Сомайнъ аф полнай средний школаса Осоавиахимский организациясь ётафни деятельнай работа военной тевтъ тонафнемаса. Тя организациясь сембоц лувондови 48 член, конат явфт башка кружкова и ётафнихть систематически занятият. ЮВС-нь кружокс аделазе боевой винтовкаты материальной частензон взаимодействииснон тонафнеманц, ётафнихть трениров-

ка малокалибернай винтовкаста ляпейдемаса. Тяниень пингтъ аноклайхть ЮВС значоконъ норматнень максомаснонды.

Январь 22-це шистонза ётафтс войенизированной поход, коса участвовандасъ 23 ломанъ.

П. Атишев,

В. Атишев.

Рыбинский район.

АФ ЛОТКСЕМС САТФКСНЕНЪ ЛАНГС

Зубово-Поляннъ педучилищаса ученикнень ёткса келиста развернутой отличнайста тонафнематъ инкса соцсоревнованиясь. Васенце вастъ тя соревнованиясь инголькекс кирьдес 3-це «В» классъ (класснай руководителъ Караулов ялгасъ). Тя класса аш фкявок отстающей. Тонафнеманъ омбоце четвертьт сон аделазе 100 процентнай успеваемостьса. Лама ученик кемостатюрихть знаниятнень инкса. Ученикне А. Деминцъ, В. Лазаревасъ, В. Агафоновасъ и лама лият получастъ омбоце четвертьста сембе дисциплинатнень ко-

ряс анычек отличнай отметкат.

Ученикне и педколлективс, обсуждадамокс эсь собраниясост васенце полугодиять итогонзон, решили аф лоткамс сатфксненъ лангс, а нинге сяда вишконтеме соревнованиять отличнайста тонафнематъ и цебяръ дисциплинатъ инкса, штоба тонафнема кизонъ колмоце четвертьста нивге сяда ламонъ крда касфтомс школаса отличниконъ лувесъ.

И. С. Паршин.

Зубово-Полянский район.

ЦЕБЯРЪ ПОЧИН

Зубово-Полянский госсортустанканъ рабочайхне оцю мяльса овладевают биологиясь знаниятнень мархта. Ётафневихть беседат растительнай миртъ колга. Тя тевса оцю работа вяти старшай агрономс Иванов ялгасъ. Беседат-

не ётафневихть изба-читальнясь, козасашенды лама колхозник. Последний беседасъ ульс ётафт январь 16-це шистонза.

Г. Лобурев.

Честнай трудтъ вельде

Мокша Масканя велеса 18 партсъезд колхозонъ МТФ-са работай Маскайкин ялгасъ. Животноводкс работай сон колмоце кизосъ. Кельгомок эсь работани, оцю мяльса якай колхознай трактенень

мельге. Трактене ашихть чистай, ламбе и валда помещенияс, андовихть уставленнай рационц коря.

Кудашкин.

С.-Синдрованъ район.

Кирдсть 30 гектар лангса лов

Пустовка велень «Активист» колхозонъ колхозникне оцю мяльса кярмодсть ловонъ кирдематни. Январь 16 шистонза анычек фкя шиста комсомолецнень инициативаснон вельде синь кирдсть колхознай паксыса 30 гектар

лангса лов. Ловонъ кирдемасъ тачиньге моли вишке темпса.

А. Д. Кудашкин.

Краснослободский район.

КЕЛЬКСЫ ЭСЪ ТЕВОНЦ

Мокша Ювнянъ вельсоветса «КИМ» колхозонъ конюхс Д. Горькановсъ цебяръста якай алашатнень мельге. Алашатнень кардсна фалу урядат, ламбот и валтт.

Добросовестнайста работаматъ вельде, Горьканов ялгасъ мельге кемонс-

таф алашатне цебяръ упитанностьсост. Особенна цебяръста якай вашу алашатнень мельге, синь андовихть рационц коря и кирдевихть рабочай алашатнень эзда башка.

Шичкин.

Торбаевский район.

Юннаттненъ опытна

Рыбинский районъ Мамолаевский средний школанъ ученикне-юннаттне цебарьста сотнесазь теоретический знаниямъ практический тевтъ мархта. 5-це классонъ ученикне, ётамок ботаниканъ урокса шуфттненъ строениямъ теоретически, решили ваномъ практически тьянъ живой уголокста. Синь сивать и керсть пиянень таратке и нязь, што пиянеть судоц (ленгась) ащи колма слойста — лангонъ суд, лангя утка и лангя, а тоса ащи древесинась, кона ащи тьяфта жа лама слойста. Лувомок древесинамъ слойхненъ, ученикне керсть карандашень эчка и 10—15 см-нь кувалмоса пиянень таради подлазъ фкя пенц чернильнича, а омбоце пенц путозь курге и кармасть потяма. Чернилась кармасть молема проводящай сосудатненъ эзга и лиссь омбоце пети. Тя опыть юннаттненди нагляднайста няфтезе, што кольчатый и спиральной сосудатне расположенныхъ древесинахъ эса и синь эзгаст молихть ведсь, лия питательнай сокне и веществатне.

7-це «А» и «Б» классонъ ученикне январь 23-це шистонза, ётамок класса птичанъ эряфть колга темать, тистъ экскурсия эсь живой уголокост, ко-са синь нагляднайста и пяк обстоя-тельно познакомились улике птичанень мархта.

Живой уголку экскурсиянь тиед-мась пяк лезды ученикненди ётави ма-териалть усвоendamъ. Ученикне тьян-вельде фалу тонафнихъ анычек цебарь-и отличнай оценкас.

Учитель Клоков.

Кода мон арань
отличникокс

Мон тонафиянъ Пятакшень началь-най школеса нилеце класса. Кельгомъ тонафнемать, мон оцю стараниясь тиедсайне куду максф заданиятненъ, пяк внимательнайста кулхонкшнесайне класса азонтф материалхненъ, лувонкшния художественнай литерату-ра. Честнайста и добросовестнайста пашкоткшнемом учитель сембе тре-бованиямъ, аделайне тонафнема ки-зотъ васенце полугодиянц анычек от-личнай оценка мархта сембе дисципли-натненъ коряс.

Тяни, ушедомок омбоце полугодият, мон сивонъ эсь лангзонъ обязательства — тонафнема анычек отлична и макс-семс лезко отстающей ученикненди.

А. Кудашкин.

Краснослободский район.



«Союздетфильм» киностудияса (Моску) «Ленфильманъ» коллективсь ётафни звуковой художественнай кафта филь-малъ съёмкат «Поход Ворошилова» и «Оборона Царицына» картинатненди. Режиссерхне-орденоносце Г. С. Василь-ефне, операторсь А. И. Сегал.

СНИМКАСА: «Оборона Царицына» фильмать снимандамста рабочей моментсь (кержи ширде види шири): РСФСР-нь заслуженнай артисткась В. С. Мясниковась — Катя рольса, М. Г. Геловани артистсь — Сталин ялгать рольса, режиссерхне Г. и С. Васильефне и операторсь А. И. Сегал.

Фотось М. Руновъ (фотось ТАСС-ть).

Тонафнемс и воспитывать иттненъ

Учительхне должетт максемс аф аны-чек знаниямъ, но и обязатт воспитывать эсь ученикномъ коммунизмъ духса. Тянь цебарьста шарьхкодезе Покров-Селищенский начальнай школанъ (Зубово-Полянский район) учительницась А. Ф. Ионовась. Сонь учениконза глу-бокайста усваивают программать коряс ётави материалъ. Тяда башка Иконова ялгась вяти оцю воспитательнай рабо-та. Сидеста ётафни иттненъ мархта бесе-дат замечательнай ломаттненъ эряф-сон колга и стак тов.

Тяфта жа пяк кельгсась эсь учи-тельницамъ Евдокия Ивановна Луко-нина тьяка жа районъ Од Выселка велень средний школанъ ученикне. Ев-докия Ивановна шарьхкодевица азонкшнесы материалъ, лама работай отстающей ученикненъ мархта.

Ламось зависит материалъ сода-мац синьценъ ученикненъ эзда. Тяфта Пятакш велень (Краснослободский рай-

он) аф полнай средний школанъ ниле-це классонъ ученикне Пиксайкин Ко-лясь и Кудашкинъ тонафнема кизотъ васенце полугодиянц аделазь отличнай и цебарь отметка мархта. Синь ащихъ примерке школанъ сембе ученикненди дисциплинасовок. Тя школеса тьяфтамъ ученика лама.

Оцю роль кирдихъ отличнай и це-барь успеваемость сатомаса пионер-ский организациятне. Тя рольсонъ паш-коткшнесазь Ельниковский районъ Кангуш велень средний школанъ пио-нерхне. Тяс лама пионерхт лувондо-вихъ тонафнеманъ тевса отличникокс. Нят сатфисне сатовсть воспитательнай работать вятеманц вельде. Старшай пионервожатайсь Черепкин Ванясь це-барьста ладязе пионерский организа-цият работани. Регулярнайста ковти кафксть эрсихть беседат, играт, мор-сихть морхт. Аф калдявста ладяф ит-тненъ военнай воспитаниясь.

АШЕЛЬ ФКЯВОК СБОР

М. Мазканянь аф полнай средний школеса старшай пионервожатайкс ра-ботай Еремкин ялгась. Сон тичимс аше-зень ява пионерхненъ звенава и от-рядга. И сяда калдяв ся, што Ерем-кин ялгась 2 кофнень пингста весть-ке ашезь пуропне пионерский сборхт. Пионерхненъ ётка аф ётафневи кода-

мовок внешкольной воспитательнай ра-бота, аф ётафневихъ кодамовок играт, беседат и стак тов.

Комсомольский комитетти тя тевсь эряви ладямс и кошардомс Еремкинъ работамъ.

Р. Кудашкин.

Ст.-Синдровский район.

СОРЕВНОВАНИЯСЬ—ОЦУ
ВИЙ

Нинге омбоце четверть ушедомсто-закиге Зубово-Полянский средний шко-ланъ кемонце «А» классъ и вейхсоце «А» классъ фкя-фкянь ёткова кемок-стась социалистический соревнованиянь договор. Договорост сивондсть обяза-тельства — сатомс сяда процентнай успе-ваемость, кеме дисциплина. Тяда меле-ня классонъ ученикне кярьмодсть эсь лангзост сивф обязательствасонъ паш-кодемо.

Кемонце классонъ класснай органи-заторсь Жилин Борясь максессь оцю лезке класснай руководителти В. М. Саутин ялгати учебновоспитательнай работать состоянианц цебарьгофтомаса.

Тя оцю работать ётафтомац макс-зень эсь результатонзон. Омбоце чет-вертьста 10 «А» классонъ ученикненъ аш фкявок калдяв отметкаса. Тянк-са синь получили школанъ дирек-цият и ВЛКСМ-нь комитетть перехо-дящай якстерь знамясон.

Но ашезь кирде эсь валсонъ вейх-соце классонъ ученикне, конат сатсть анычек 84 процентнай успеваемость.

И. Чеканов.

МАШФТОМС ФОРМАЛИЗМАТЪ ЛИТЕРАТУРАТЪ ПРЕПОДАВАНИЯСА

Сире-Бадиковский средний школеса 1940—41-це тонафнема кизотъ васенце полугодиянц результатонза пяк аф удовлетворительнайхъ. Успеваемость лувондови 54 процент. Кизефневи, ко-дама причинат шорьсесть сяди, што-ба сатомс оцю успеваемость, максомс иттненди сембе научатненъ коряс, ко-нат тонафневихъ средний школеса, глубокай знаниямъ. Причинась тьянди анычек фкя. Педагогический коллек-тивсь аф путни сатомшка вий, штоба оправдывать народнай учителень лемть. Дополнительнай занятия отстающей ученикненъ мархта аф ётафневихъ. Педагогический ётка улихъ учи-тельхъ, конат мезевок общай не име-ют учительский работать мархта.

Тяфтамкс лувондови мокшень кяленъ преподавательсь Нарватовсь. Нарва-товсь эсь специальностенц коряс исто-рийнай преподаватель, но Ширингуш-ский РОНО-сь сонъ арафтозе литерату-ранъ «преподавателькс».

Минь тяс няфтьсаськ кода Нарва-товсь максимъ учащайхненди знаниямъ. Кафксоце классъ. Литературанъ урок. Сувамок классу занаета меле, висем-

шка минута вешендсь портфельстоназ кодама-бди тетрадь. Мумок тетраденц, путозе сонъ инголенза и ушедозе эсь тевонц — «преподавать» русская ли-тература.

— Ну-ка, азонт Гончаровъ кол-га? — мяръгсь Нарватовсь ученицати. Но ученицась тя оцю кизефксти, кодапт и не могут улемс преподаваниянь системаса, ашезь от-веча. Тяда меле учительсь максим нин-ге фкя кизефкс:

— Мезе Ленин корхтась Обломовъ колга? Тяфта жа ответ максф ашезь уль. Эста Нарватовсь кизефтозе отлич-никъ, кодапт азондозе Гончаровъ би-ографиянц и кода содавь, што тя ма-териалсь ученикненди азонтфоль ме-кольденъ урокса. А Обломовъ обра-зонц характеризуют поверхностнайста. Азондохъ анычек сянъ колга, што Обломовсь ульсь пяк нола, кодапт сем-бе пингста ашекшнес дивантъ лангса. Тянь мархта и аделавсь ётаф матери-алъ «повторения», конанди имафтьс классъ комсь минута.

— Тяни карматама прорабатывать русская писательсь А. Н. Остров-

скийтъ, — корхтай учительсь. Азондо-мок А. Н. Островскийтъ биографиянц, Нарватовсь корхтай: «Островский вы-ражает буржуазиятъ, монархиятъ, ну и помещиконъ идеологиятъ». Матери-алтъ изложениянц эзда кодамовок представления ашесть сив ученикне 19-це векомъ драматургтъ — реалисттъ колга. Тяда меле кармасть азондома «Банкротъ» пьесанц колга. Сон азонды, што тя пьесать сёрмадозе 1847-це ки-зона, а сценаса кармасть путневома 1841-це кизоня. Класа тьяконъ шовор марявьс рахсема вайгялхъ. Аф лама пингта меле, но оцю сомнениясь азо-зе учительсь, што пьесась сценаса ва-сенцеда ульсь налхкф 1851-це кизоня. «Ну ты ланге уроктъ аделасаськ, а сай урокса карматама разбирать «Гро-затъ», а то курок кармай улема зво-нок», — азоке Нарватовсь. И учи-классъ звонокъ эса. Ушедозе «Грозатъ» проработканц. Азондозень действующай лицатненъ, што Кабанихась ульсь по-мещица, а Екатеринась — дворянка. — Екатерина ёрась лисемс козя мир-денди. Ёрась, штоба сонъ мирдец фалу пикселезе и пикселезе. Кда мирдец сонъ кармай пиксмонза, значит сон урь-ванц келькс — азонды учительсь. Фкя-

вок вал ашезь уле азф Екатеринатъ светлай образонц колга, кода мек-ланкт, ёрась сатомс, штоба сон улець свободнай и мянелъ темнай царстваста. Ашесть азондов произведений аф тематика, аф идейнай содержаниянц.

«Островский сёрмадсь нинге фкя пьеса «Не в свои сани не садись».

Аделавсь уроксь. Литературатъ пре-подаванияса тьяфтамъ формализмъ, фальшь общай тевти кодамовок поль-за аф канды. Художественнай литерату-рась ащи мощнай средства иттенъ коммунизмъ духса воспитаниясь. Сон воспитывает ломанти цебарь ка-честват, тисы коммунистический об-ществанъ активнай строителкс. Тянь эзда няеви, што литературанъ преподавательть тя тевса пяк оцю ролец. И эльбияткс аф ули, кда азсаськ, што тьяфтамъ хафтурчи-не, кода Нарватовсь, тя задачатъ мар-хта не справятсь. И сярсе кармайхъ молема литературатъ преподаванияса тьяфтамъ грубай извращениятне, мзяре Нарватовне аф улихъ аерффт сонъ преподаваниястонза.

З. Арсентьева.

ТОНАФНЕМАСЬ АПАК ОРГАНИЗОВАНДАК

Тумановка велеса неграмотнайда и малограмотнайда лувондови сембоц 23 ломань. Штоба фатямс синь тонафнемаса, начальнай школань заведущайти Пронькина ялгати эряволь кунара ни организовандамс тя тевть, но Пронькинась тя пинге нинге ашезь этафта неграмотнайхненъ эткса фкявок занятия.

Эряви азомс, што Тумановка велень неграмотнай колхозникненъ ули оцю мяльсна тонафнемс. Но синь мяльсна аф пашкотыкшневи.

Неграмотнайхненъ мархта запятнясь эряви ушедомс инь маластонь пингета, штоба Майт1-це шинцы сатомс сплшной грамотность.

Д. Ломакин.

Пурдошанский район.

СТЕНГАЗЕТА АШ

Мокша Мазкани велеса «Од эряф» колхозса (Краснослободский район) колмоце визось ни аф поляви стенной газета. Колхозонь руководителхне, кода няеви, нинге ашезь шарьхкоде, што печатсь—тя фкя инь важнейшай средства аф сатыксоньконь машфтомаса.

Стенгазетать полямаса колхозса оцю лезкс должетт максомс велень комсомолецне, но комсомольский организациясь тя тевть эзда нингетянимс ащи шпреса. Синь кодамовок массовой работа колхозникненъ эткса аф этафитхть.

Ивашкин.

ЮКСТАФ УЧАСТКА

Стенной газетась комсомольт эряфса кирни исключительна оцю воспитательнай значения. Но, аф вапомок тянь лангс, Сейтяновкань первичнай комсомольский организациясь стенгазетать работанц кадозе эсь отям модемат. Стенгазетань редколлегиять работанц мельге аф витеви кодамовок контроль, а тянь сюнеда газетась нльне лоткась лисендемода.

Сейтяновкань комсомольский организация эряви проверямс стенгазетань редколлегиять работанц и лездомс тейнза газетать систематически нолдамаса.

Рыбкинский район.

В. Авдеев,
Д. Сорокин.

ТУНДАТИ АНОКЛАЙХТЬ ВЯЛСА

Тундань видемати цебарьста анокламать колга аф кржа корхнихть М. Ювня велень «КИМ» колхозонь руководителхне, но тячинь шити самс нинге мезевок ашесть тия.

Сембе инвентарсь плукне, инзаматне, сеялкатне ашихть ловть ала, сокаманди эрявикс ашкне пцтай сембе сязентьфт, видьмотне алак сортировандакт.

Нят сембе мероприятиятненъ этафтомаса активнай инициатива долженоль примсемс комсомольский организациясь, но калдыв ся, што сон тундань видемати анокламать эзда ащи шпреса.

И. Родин.

Торбеевский район.

ТЯФТА ЛИ ЭРЯВИ РАБОТАМС?

Сире Сомай велеса «Якстерь знамя» колхозонь СТФ-са заведущайкс работай А. Кубасовсь, кона свинаркатненъ мельге аф вяти кодамовок контроль. А тянь сюнеда сидеста эреси, што шиньберьф тувотненди аф макссеви корма.

Тяда башка, ефси аф урядакшневи свинарниксь. Тувотне рдазут, удома вастозост вестьке аф ацем шужархть.

Колхозонь правленияти тя тевсь эряви проверямс и примамс эрявикс мерат.

И. Ермаков.

Рыбкинский район.

НИНГЕ ВЕСТЬ БАРАНОВТЬ БЕЗДЕЯТЕЛЬНОСТЕНЦ КОЛГА


Ниле когда лама ётась ся пингть эзда, кода Баранов ялгати Од Выселка велень комсомолецне кочказь первичнай организациянь секретарькс. Синь макссть тейнза кеме наказ—сембе ширде цебарьгофтомс комсомольский организациять работанц. Пашкотыкшневи ли Баранов ялгась эсь практический работасонза тя наказть?

Отчетно-выборнай собранияда меле сон нинге фкявок собрания ашезь пуропне, членский взност комсомолецненъ кидьста аф кочки, воспитательнай работа кодамовок аф вяти. Фкявок комсомолец тя организациясь ВКП(б) ть историянц аф тонафнесы.

Тяфтама положениять лац содасы Zubovo-Polyanskiy ВЛКСМ-нь райкомсь (секретарсь Кондратьев ялгась), но мерат кодаптка аф примоси.

Комкин.

Зубово-Полянский район.



Английский бомбардировщикти бомбань погрузкась. (Фосось ТАСС-ть).

Китайса междуособнай конфликтсь

Мекольдень недллитненъ Аньхуэй провинциять южнай частьсонза тиевть события, конат шарфнесазь эсь лангозост марнек китайский общественность мяленц. Центральнай китайский правительство крупнай военский соединениянза Гу Чжу—тун генеральт командованиянц ала алак учентт кружазь 4-це армиять частензон и вин бойда меле, кона мольсь несколько ши, разоружили синь. Столкновения 4-це армиясь юмафть 4000 ломань шавфста и ранендафети и 2000 пленнай. Тяниень пингть 4-це армиясь официална нолдаф, а сонь командующайц Е Тин арестовандаф.

Китайский военнай министерствать заявленииц коряс, Гу Чжу—тунонь войсканза разоружили и расформировали 4-це армиять сяе, мес тя армиять командованиянц ашезо пашкодь национальнай правительствать приказонц Хуанхэ лить севернай берикозонза сонь этафтоманц колга, а тяфта жа сянкса, што тя армиясь бта ёрась кеподемс восстания правительственной

войскактненъ каршес.

4-це армиять представителенза, кода тя няеви печатсь, ня обвинениятненъ лувондсазь аф виденди и ёфси аф обоснованнайнди. Синь корхтайхть, што 4-це армиять лангс нападенияти действительнай причинаке ашихть гоминдановский генералхненъ узкопартийнай стремлениясна, конат волендафт 4-це армиять рядонзон эса революционно-патриотический коммунистический элементтненъ каршес.

4-це армиять лангс нападениясь Аньхуэй провинциясь тись оцю тревога китайский патриотический общественность различнай слойнон эса и сембода пик Китайнь трудящай массатненъ эса. Китайский передовой кружкненъ эса арьсикхть, што ня событиятне ашихть ушетксекс крупнай операции аф аньцек 4-це, но и 8-це армиять машфтоманц инкса. Синь корхтайхть, што тя вишконтельхне ба Китайса гражданский войнать, конац может аньцек лафчепоме Китайть.

(ТАСС).

АЛБАНИЯСА ВОЕННОЙ ДЕЙСТВИЯТНЕ

«Време» югославский газетась пачфнесы, што январь 26-це шистонза Албанияса фронттненъ эса военнай операциятне ульсть пик активнайхть. Клисура ошть района итальянский войскактне атаковандазь греческий позициятненъ, но успехфтома. Грекие ётась контратакас и занясть пандонь кой-кодама позицият.

Тепелене—Клисура секторть эзда сяда восток шпреса итальянецненъ конт-

ратакасон, конань тиезь крупнай пехотнай и воздушнай виыхне, тяфта жа отбили греческий войскактне. Кафцьке шпретненди тифт оцю юмафкт. Центральнай фронтса сембе сяда пик вишкомкшни артиллериять активносте.

Кафцьке шпретненъ авиациясна пик активнайста действовндась кода фронтса, стане и тылса.

(ТАСС).

РУМЫНИЯСА СОБЫТИЯТНЕНДИ

«Тимпул» румынский газетась сёрмады, што судебнай следователхне вешендихть тяни мятеженъ виновникненъ эса. Улихть ни лама арестованнайхть.

Бухарестсь сембе нинге ащи военнай положенияса. Ошть кой-кона районзон эса лоткафт транспортть движенияц и нльне пешеходнай движениясь. Ня райоттне пашксет войскада.

Юнайтед Пресс агентствась пачфнесы, што сяда меле ни, кода Антонеску азозе мятежть машфтоманц колга, Тимшоаре ошть эса январь 25-це шистонза нинге мольсть бойхть войскактненъ и железнодорожнень эткса. Бойхть молихть тяфта жа Крайов, Турну—Северин и лия ошненъ эса.

(ТАСС).

РУМЫНИЯСА ОД ПРАВИТЕЛЬСТВАСЬ

Румынияса азф од правительствать составоц. Антонеску генераль-министрань советть председателец и иностраннай тевонь министр.

(ТАСС).

ТАИТЬ И ФРАНЦУЗСКАЯ ИНДО-КИТАЙ ИОТКСА ПЕРЕМИРИЯСЬ

Кода пачфнесы Ассошиэтед Пресс агентствась, Французский Индо-Китайнь властне азозь, што Тайть и Французский Индо-Китайть ёткса перемириясь ушедсь январь 27-це шистонза шобдава 10 частета сявомок местнай времать коряс.

(ТАСС).

Английский газетась воздушнай войнаса затишьять причиназон колга

Корхтамок англо-германский воздушнай войнаса уликс затишьять колга, «Дейли телеграф энд морнинг пост» английский газетать обозревателец сёрмады, што затишьясь пцтай наверняка сотф кодама-кодама од оцю наступленияс германский анокламатненъ мархта. Метеорологический условияда башка, корхтай обозревателсь, эряви тяфта жа сявомс мяльс Англиять лангс германский воздушнай налеттненъ лувксенон постепенна киреманц и налеттненъ эса участвондай германский эскадрильятненъ лувксенон ёмаллгодоманц. «Можна тиёмс вывод, што Германиясь анокламатни опытайн летчиконь, боеприпасонь и горючийн резерват и арьси ётаме эрявикс пингета наступлениясь».

(ТАСС).

Африкаса войнась

Рейтер агентствась пачфнесы, што ливийский фронтса, укрепленнай ошть Дорнать района, англичаттненъ операциясна молхить удовлетворительна. Кода содавсь, Тобрукть района англичаттне фатясть 25 тежянда лама пленнай. Тяда башка фатяф 50 танка. Эритреяса (Краснай морять побережьяса итальянский колониясь) английский виыхне сувасть странать территориязонза 160 километрнх васта и пачкодсть важнай железнодорожнй пунктти—Агордлати. Эритреяса операциятненъ пингета англичаттне сяветь пленц 1100 лама итальянский солдат.

Абиссинияста пачфникхь партизаттненъ од успехенон колга.

Английский патрульхне стаки успешна действовндахть итальянский Сомалить пограничный районзон эса, кода синь тяфта жа потафтыхть противникхь эса.

(ТАСС).

Средиземнай морять бассейнаса положениясь

Корхтамок Мальтати (Средиземнай морьяса Англиять военно-морской базац) тиф угрожать колга, кона тиевсь Италия германский авиационнай соединениятненъ самасон мархта, «Санди таймс» английский газетать военнай обозревателец сёрмады, што немецне могут тиёмс попытка Мальтать гарнизононц машфтоманцти и сяконь мархта сатомс успех островти войскань валхтомаса. Обозревателсь, корхтай, што Мальтать улихть мощнай зенитнай орудиянза и кой-мзяра истребительназ. Ливияса английский войскактненъ продвижениясна максси кой-кодама лезкс Мальтати. Лама боеприпас может улемс пачфтьф островти воздухть эзга дальнай действиянь бомбардировщикненъ вельде, конат улихть ни ближневосточнай армиять эса.

(ТАСС).

Врид. ответ. редакторсь Дм. РОДИН.